

ВЫНСЬӨДӨМА

Коми Республикаса Веськөдлан котырлөн
2020 во лөддза-номъя тöлысь 15 лунся 304 №-а шуөмөн
(6 №-а содтөд)

“Висерса” республика тöдчанлуна
канму вөр-ва заказник йылысь

ПОЛОЖЕНИЕ

1. Панас

“Висерса” республика тöдчанлуна канму вөр-ва заказник (водзö – заказник) артмөдöма “Республика тöдчанлуна заказникъяс да вөр-ва памятникъяс йылысь положениеяс вынсьөдөм да выль заказникъяс котыртөм йылысь” Коми Республикаса Министръяс Советлөн 1993 во рака тöлысь 1 лунся 110 №-а шуөмөн.

Заказник лөö республика тöдчанлуна торйөн ёна видзан вөр-ва мутасөн (водзö – ООПТ) да сылөн эм комплекснöй (ландшафтнöй) нырвизь.

ООПТ-лөн тыр ним: “Висерса” республика тöдчанлуна канму вөр-ва заказник.

ООПТ-лөн дженьыд ним: “Висерса” заказник.

Заказниксö артмөдöма вына кадколаст урчиттөг да заказниклөн мудорьясын меститчысь му участокьяссö вöдитчысьяслысь, кутысьяслысь да кийн кутысьяслысь босьттөг.

Заказник котыртан да сийöс уджөдан юкöнын канмусянь веськөдлöмыс, заказник видзан да сйөн вöдитчан юкöнын канму дöзьöрыс збыльмөдсö Коми Республикаса Веськөдлан котырөн уполномочитөм Коми Республикаса олөмö пöртысь власьт органөн да (либö) сылөн ведомствоувса канму учреждениеөн, кодлы сетöма лöсялана уджмогьяссö (водзö – заказникөн веськөдлысь орган).

2. Заказник артмөдан медшөр могъяс да сълөн могъяс

2.1. Заказниксö артмөдöма сы могысь, медым видзны Висер ю ковтыслысь шөр пармалөн зонаувлы эталонной естественной ландшафтъяс.

2.2. Заказниклөн шөр могъяс:

видзны экологической öтвесьталунсö, сы лыдын ва объектъяслысь гидрологической режимсö;

видзны ландшафтной да биологической унапöлöслунсö, сы лыдын шоча паныдасылысь пемöсьяслөн да быдмөгъяслөн сикасьяслысь оланінъяссö да быдманінъяссö;

туявны вөр-ва комплексъясын ывлавывса процессъяссö да видзöдны экосистемаяслөн серпас вежсьöм бöрся.

3. Заказниклөн меститчанін да площадь

3.1. Заказник меститчö “Кöрткерöс” муниципальной районса муниципальной юкөнлөн мутасын Висер сиктсаянь 30 км рытив-войвывлань, Шойнатыса лесничестволөн Висерса участковой лесничестволөн 65-68, 85-88, 105-107 кварталъяслөн мудоръясын.

Заказник меститчанінлысь карта-схемасö вайöдöма тайö Положение дорö 1 содтöдын*.

3.2. Заказник мутаслөн площадьыс лöö 10420 га.

* Оз йöзöдсы.

4. Заказниклөн мудоръяс

4.1. Заказниклөн мудорыс муно Шойнатыса лесничестволөн Висерса участковой лесничестволөн 65 кварталлөн рытив-войвыв помсянь 65-68 кварталъяслөн войвыв мудоръясті, 68, 88 кварталъяслөн асиввыв мудоръясті, 88 кварталлөн лунвыв мудорті, 107 кварталлөн асиввыв

мудорті, 107-105 кварталъяслөн лунвыв мудорьясті, 105, 85, 65 кварталъяслөн рытиввыв мудорьясті петан чутөдз.

4.2. Заказниклысь мудорьяссö петкөдлöма карта-схема вылын тайö Положение дорö 2 содтöдын*.

* Оз йöзöдсьы.

5. Заказниклөн мудорьясын меститчысь видзан вөр-ва комплексъяс да налөн компонентъяс

Заказниклөн видзан вөр-ва комплексын торйöдöны участокъяс, кутшöмъяс торьялöны быдмөгъяса му веркöс серти: нюръяс, Висер юлөн ва видзан зонаса, берегвывъясса да сёртасса быдмөгъяс да ва юклан вөръяс.

Резерватлөн лунвыв юкöнын Висер ю ковтысын пасйöма ыджыд арлыда пемыд лыска вөръяс да медводзаысь артмöm кыдзаинъяс (*Betula pubescens*-ысь).

Заказниклөн кызвын мутасын быдмöны том да сöвмöm пожöма (*Pinus sylvestris*-ысь), козья (*Picea obovata*-ысь) да кыдза вөръяс (ва юклан вөръяс), кутшöмъяс артмöмаöсь кералöm вöсна. Тайö вөр массивьясыс лöбны быдмөгъяса му веркöслөн естественнöя выльысь рöдман тшупöдъяс пиысь öтиөн. Заказник шöрын нюрсялöm вөръясын ёна быдмö Коми Республикаса гöрд небöгö (2019) пыртöm сибирса пожöмлөн (*Pinus sibirica*) сорас.

Резерватса быдмөг öткотырьясын пасйöма 300 гөгөр сикас сосудистöй быдмөг. Резерватын видзöны Коми Республикаса гöрд небöгö (2019) пыртöm уклоняющöйся марьямоль (*Paeonia Anomala*).

Резерватын видзöны Висер юлысь участок, кутшöм, Войвывса чери овмöс нуöдан ковтысын чери кыян правилöяс серти (Россияса видз-му овмöс министерстволөн 2014 во йирым тöлысь 30 лунся 414 №-а тшöктöд), лöö атлантическöй чимилөн кульманинөн. Тайö чери сикассö пыртöма Звер-пöтка лыддьöгö (списокö), кодьяслөн вөр-ваын олöm бöрся колö торйөн

тöждысьны да кодьясöс вöзйöма босьтны биология боксянь дöзьöр улö, кутшöмöс вынсьöдöма Коми Республикаса вöр-ва озырлун да гөгöртас видзан министерстволöн 2019 во рака тöлысь 27 лунся 498 №-а тшöктöдöн (4 №-а содтöд).

Заказникын пасйöма 12 отрядысь 70 сикасöдз лэбач да 6 отрядысь 38 сикас млекопитающöй. Резерватын олöны кузь бöжа тупьöр варыш (*Strix uralensis*) да тошка тупьöр варыш (*S. nebulosa*), кодьясöс пыртöма Коми Республикаса гöрд небöгö (2019).

Заказник мутасын паныдасьлö ачыс ветлысь көр (*Rangifer tarandus*), тайö сикасö пыртöма Коми Республикаса гöрд небöгö (2019).

6. Заказник торйöн ёна видзан режим

6.1. Заказниклöн мутасын оз позь вöчны овмöс нуöдан да мукöд удж, мый вöсна вермас торксьыны экосистемаяслöн дзоньлуныс, сы лыдын:

- 1) капитальнöя стрöитан объектъяс стрöитöм;
- 2) линейнöй объектъяс стрöитöм, тайö Положениелöн 6.2 пунктын индöм случайяс кындзи;
- 3) вöр пуктасьяс кералöм, санитарно-оздоровительнöй мероприятиеяс, пöжарысь видзчысьöмсö могмöдан мероприятиеяс нуöдигöн кералöмьяс, квартальнöй прöсекаяс, визирьяс кералöм, весалöм, туйяс, кутшöмьяс эмöсь, видзöм могысь кералöмьяс, а сіджö вöчны позяна удж сикасьяскöд йитчöм мукöд кералöм кындзи;
- 3) вöр бурмöдöм вöр культураяс лöсьöдöмöн, вöр участокьясын, көні вöр пуктасьясыс кулöмаöсь либö тшыкöмаöсь пöжарьяс, лёк организмьяслöн тöдчöм вöсна, а сіджö вöр участокьясын вöр бурмöдöм кындзи, көні санитарнöй могьясын нуöдिसны öтпомся кералöмьяс;
- 4) абу пуа вöр ресурсьяс, вöрса сёян-юан да бурдöдан быдмөгьяс заптöм да чукöртöм, индöм ресурсьясö да быдмөгьясö гражданаөн асланыс могьяс вылö заптöм да чукöртöм кындзи;
- 5) древесина да живица заптöм;

6) геологическӱй, ботаническӱй, зоологическӱй да мукӱд коллекция чукӱртӱм, наука-туялан могъяс вылӱ найӱс чукӱртӱм кындзи заказникӱн веськӱдлысь органкӱд сӱгласуйтӱмӱн;

7) муяс бурмӱдӱм;

8) прӱмыслӱвӱя кыйсьӱм да промышленнӱя чери кыйӱм;

9) туйясысь, кутшӱмъяс эмӱсь, да торйӱн индӱм местаясысь бокин механизируйтӱм транспортлӱн ветлӱм да сулалӱм (заказник видзӱм серти мероприятиеяс, а сӱдзжӱ заказниклӱн мудоръясын меститчысь вӱр-ва комплексъяс да налысь компонентъяс видзӱм да бӱр лӱсьӱдӱм серти мероприятиеяс нуӱдӱмкӱд йитчӱм случайяс кындзи), механическӱй транспорт средствояс кындзи, кодъяс ветлӱдлӱны да сулалӱны тӱвнас, кор усӱма лым сӱк, кор оз лӱдзны му эжӱд, быдмӱгъяс да вӱр пуктасъяс жугӱдӱмсӱ;

10) туясян (корсьысян, геофизическӱй, геологоразведочнӱй) уджъяс, муывьса да механизируйтӱм средствоясӱн вӱдитчӱмкӱд да му эжӱд да быдмӱгъяс тшыкӱдӱмкӱд абу йитчӱм уджъяс кындзи;

11) мупытшса озырлун, сы лыдын трунда, корсьӱм да перйӱм;

12) заказниклысь мутас ӱгӱсьтӱм да няйтчӱдӱм, а сӱдзжӱ производство да потребление шыбласъяс меститӱм (видзӱм да гуалӱм), ортсӱ лӱдзан ва нуӱдӱм;

13) химия препаратъяс да мувердас видзӱм да наӱн вӱдитчӱм;

14) му эжӱд да быдмӱгъяс тшыкӱдӱм, вӱчны позяна удж сикасъяс збыльмӱдӱм кындзи;

15) аншлагъяс, шлагбаумъяс, стендъяс, мудор петкӱдлысь сюръяяс, мукӱд юӱртан пас да индалысь, экологическӱй ордымъясса да шойччан местаясса оборудование бырӱдӱм да торкӱм, пуяс вылын гижалӱм да пасъяс вӱчӱм.

6.2. Заказниклӱн мутасын позьӱ:

1) нуӱдны наука-туялан уджъяс заказникӱн веськӱдлысь органкӱд сӱгласуйтӱмӱн;

2) кыйсьыны любительскӱя да спортивнӱя оланпастӱчасӱн урчитӱм

пöрадoкын;

3) кыйны чери любительскöя да спортивнöя оланпастэчасöн урчитöм пöрадoкын;

4) котыртны да нуöдны вөр овмöс, да нуöдны вөрьясын пöжарысь да санитарнöй бoксянь видзчысьöмсö мoгмöдан, вөр бурмöдан да вөр бöрся дöзьöритан мероприятиеяс вөр йитöдьяс ладмöдан юкöнын оланпастэчасöн урчитöм пöрадoкын тайö Положениелöн 6.1 пунктса корöмьяс тöд вылын кутöмöн;

5) стрöитны, выльмöдны, уджöдны линейнöй объектьяс сэк, кор найöс меститны мöд позянлуныс абу, а сиджö заказник уджöдöмсö мoгмöдöм мoгысь, заказникöн веськöдлан органкöд сöгласуйтöмöн;

6) капитальнöя дзоньтавны линейнöй объектьяс заказникöн веськöдлысь органкöд сöгласуйтöмöн;

7) стрöитны абу капитальнöй стрöйбаяс да сооружениеяс, кутшöмьяс йитчöмаöсь вöчны позяна удж сикасьяс збыльмöдöмкöд;

8) эвакуируйтны ракетаяслысь торьялöм юкөньяссö налöн усяннъясысь да нуöдны ракетаяслысь торьялöм юкөньяссö нуöм мoгысь вөр инфраструктура лöсьöдöм серти уджьяс Россия Федерацияса вөр оланпастэчас серти;

9) нуöдны овмöс да мукöд уджлысь мöд сикасьяс, мыйясысь абу öлöдöма вөр-ваöн вöдитчан да гөгöртас видзан юкöнын оланпастэчасöн да тайö Положениеöн, оланпастэчасöн урчитöм пöрадoкын.

7. Бöртас

7.1. Заказниксö, сы лыдын сылöн мутасын меститчöм вөр-ва комплексьяссö да налысь компонентьяссö, видзöны вөр-ваöн вöдитчан да гөгöртас видзан юкöнын оланпастэчас серти.

7.2. Заказниклöн вөр-ва комплексьяслы да налöн компонентьяслы лектор вöчан грöз артмöм дырйи сылöн мутасын вöчны позяна удж

сикасьяссö дзескöдöны, недыр кад кежлö дугöдöны либö дугöдöны федеральнöй оланпастэчасöн урчитöм пöрадокын.

7.3. Заказниклысь мутассö места вылын индöны öлöдан да юöртан пасьяс сувтöдöмөн, а сідзжö торйöдöны тематическöй картография материальяс вылын.

7.4. Заказниклөн вөр-ва комплексьяслы либö налөн компонентьяслы вöчöм лекторсö колö вештыны Россия Федерацияса оланпастэчас серти.

7.5. Йöзöс, кодьяс мыжаöсь заказник торйөн ёна видзан урчитöм режим торкöмын, кыскöны кывкутöмö Россия Федерацияса оланпастэчас серти.

7.6. Заказник торйөн ёна видзан урчитöм режимлөн уджалöм да сійöс могмöдöм серти мероприятиеяс збыльмöдсьöны Коми Республикаса республиканскöй сьöмкуд сьöм да оланпастэчасöн абу öлöдöм мукöд öшмöс тшöт весьтö.

Пасйöд. Меститчанінсö да мудорьяссö опишитöма Шойнатыса лесничестволысь 2013 вося вөр овмöс котыртан да нуöдан материальяс тöд вылö босьтöмөн.